




**SARDEGNA**



**Defensemus is padentes nostros dae su fogu**

**Pro una Cultura de sa Segurèntzia**


**Normas de cumportamentu e cautelas  
pro residentes e turistas**




## Normas de cumportamentu e cautelas pro residentes e turistas

Su fogu, onni annu, est una minetza manna pro totu su patrimoniu ambientale de sa Regione nostra e pro sa seghesa de sa vida umana, pro cussu tocat chi totus donent atentu mannu e contivìgient tutela e preventzione pro avitare de fàghere dannos a s'ambiente e a sa gente

Est de importu a s'informare, pro chi sa populatzione ismànni- et s'atinu netzessàriu in s'aplicu de règulas e cumportamentos giustos, ca s'informu est una de is punnas printzipales de cumprire, cando si faghet una politica atziva pro reduire is ariscos, ca su sistema territoriale, prus bàsciu est su livellu de connoschèntzia, prus s'agatat in perìgulu, in unu acadessimentu particolare.






Est pretzisu duncas a s'informare a s'ispissu si ddoe at perìgulu e arriscu de fogu, intrende in su situ SardegnaProtezioneCivile in ue s'ant a pòdere lèghere, die cun die, in sa setzione chi si narat "Bulletinos de previsionone de perìgulu de fogu", totu is novas utilosas, e tocat puru a respetare semper is disponimentos de is entes locales e de protetzione tzivile chi faghent parte de su sistema de avvertimentu e de gestione de s'emergèntzia.

Pro prevènnere su fogu, bortas medas bastat a respetare unas cantas normas simpres de cumportamentu, mesca-mente in s'istade, a manera de amparare sa sienda comuna de is padentes e de sarvare vidas.

**Pro avitare unu fogu est semper de importu:**

- A non manigiare sena atinu fogos de artifitziu;
  - Si pipas, a non ghetare cicas o luminos atzesos, finas si ses in vetura o a curtzu a su mare.
- 

- A fàghere fogu in is padentes est perigulosu e tocat de sighire normas pretzisas (de bìdere is Prescritziones regionales in vigèntzia contra a su fogu).
- Sas marmitas catalìticas podent dare fogu a s'erba sica, cun fatzilidade.
- Si ses in logu in ue ddoe at arriscu de fogu in padente, dona atentu a s'ambiente chi t'inghìriat.
- A respetare totu is normas e atentziones cando in su sartu s'impreant ainas de traballu.
- A non lassare arga in is padentes: bolet collida e fuliada in àteru logu.
- In is logos prus sugetos a su fogu, a inghìriu de is domos e de is fàbbricos, bolet iserbadu su terrinu boghende•nche fīnas totu is refudos chi podent pigare fogu cun fatzilidade.

## **Si unu fogu est tenende:**

- Est a proare a nde l'istudare petzi si ddoe at seuresa de si nde pòdere fuire, lassende•si su bentu a palas e is-cudende cun sida is pampas fīnas a ddas allupare.
- No est a si firmare in logos chi sunt in artu cunforma a su fogu o in logos a ue est andende su fumu.
- No est a atraessare su caminu prenu de fumu o in ue su fogu est tenende.
- No est a parchegiare in mesu bia.
- No est a formare fileras de veturas e, si faghet, est mēgius a furriare.
- Est a agiudare s'interventu de is mesos de sucursu, is-boidende is caminos sena de lassare is veturas in bia.
- Est a inditare a is iscuadras contras a su fogu ue sunt is bias e is camineras chi si podent pigare.
- Est a pònnere a disponimentu provistas de abba e àtera atretzadura.

## **Si semus minetzados dae su fogu:**

- Est a chircare una manera segura pro si nche fuire dae su fogu, a tipu unu caminu, o in ue curret abba, e a agatare amparu in logos sena de cosa chi podet pigare fogu o in ue ddoe est giai passadu su fogu.
- Si nos agatamus in una praja, est a s'addobiare in ue est sa rena e a si-nche imbèrghere in s'abba bassa: est su logu prus seguru.
- Est a non proare a pigare veturas, motos, tendas o su chi ddoe amus lassadu intro.
- Est a sinnalare sa presèntzia nostra.
- Est a nche istesiare dae su fogu is bòmbolas de gas e is istèrgios cun lìcidu chi podet pigare fogu.
- No est a si nch'andare dae una domo si no ddoe at tzertesa de pigare caminos seguros.
- Est a nde istudare s'impiantu elètricu incarchende s'interruttore generale o su mesuradore de currente.
- Est a sigillare ghennas e ventanas cun paperi adesivu o pannos isfustos.

- Est a prenare puales de abba e a lassare pannos is-fustos chirchende amparu in is aposentos mesanos, respirende pro mèdiu de unu mucadore ùmidu.
- No est a istrobbare cando sunt istudende•nde su fogu o donende sucursu.
- Sinnala su fogu a is Entes Cumpetentes telefonende a su nùmeru birde 1515 de su Corpus forestale e de Vigilàntzia ambientale (C.F.V.A.), a su 115 de is Vìgiles de su Fogu, a su 113 de sa Politzia de Istadu o a su 112 de is Carabineris.

**Is nùmeros sunt ativos 24 oras subra de 24 in totu su territòriu, sa telefonada est a gratis e si podet fàghere dae totu is telèfonos fissos pùbblicos e privados e dae totu is cellulares.**



**SARDEGNA**

**Nùmeros utilosos – nùmeros de emergèntzia**

Corpus forestale e de Vigilàntzia ambientale 1515

Emergèntzia sanitària 118

Vìgiles de su Fogu 115

Carabinieri 112

Polizia de Istadu 113

Guàrdia de Finàntzia 117